



Broj: 02-05-875/17
Lukavac, 12.07.2017. godina

Na osnovu člana 69. stav 3., člana 70. stavovi (1), (4) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-875/17 od 11.07.2017. godine u otvorenom postupku nabavke usluga platnog prometa, vođenja depozitnog računa i elektronskog bankarstva, Općinski načelnik d o n o s i

ODLUKU o poništenju postupka javne nabavke

Član 1.

Poništava se otvoreni postupak javne nabavke usluga platnog prometa, vođenja depozitnog računa i elektronskog bankarstva, jer su tokom e-aukcije u predzadnjem krugu oba ponuđača podnijela istu cijenu za predmetnu ponudu.

Član 2.

Ova odluka objavit će se na web - stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ova odluka stupa na snagu danom donošenja.

Orazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-874/17 od 10.05.2017. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 10.000,00 KM.

Obavještenje o nabavci broj: : 719-1-2-16-3-14/17 objavljeno je na Portalu javnih nabavki dana 10.05.2017. godine.

Komisija za provođenje postupka nabavke imenovana Rješenjem broj: 02-05-953/17 od 17.05.2017.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-875/17 od 13.06.2017, zapisnik o pregledu i ocjeni ponuda broj: 02-05-875/17 od 11.07.2017. godine, Preporuku o izboru najpovoljnijeg ponuđača broj: 02-05-897/17 od 12.06.2017. godine i Izvještaj o radu broj: 02-05-875/17 od 11.07.2017. godine.



U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene četiri ponude;
- da su blagovremeno primljeno četiri ponude;
- da nije bilo neblagovremeno primljenih ponuda;
- da su ponude ponuđača NOVA BANKA AD Banja Luka i UniCredit bank d.d. Mostar kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;
- da je ponuda ponuđača „**RAIFFEISEN BANK DD BiH**“ Sarajevo u skladu sa tačkom 13.1.3 tenderske dokumentacije odbačena iz daljeg postupka nabavke. Naime, isti je u ponudi od 23. do 68. strane priložio kopiju Izvoda iz sudskog registra broj: 065-0RegZ-17-003285 od 24.04.2017. godine koji je ovjeren samo na zadnjoj tj. 68. strani, a na ostalim dijelovima su vidljivi otisci pečata od ranije izvršene ovjere tj. vidi se fotokopija, a ne originalni pečat izvršene ovjere, a na zadnjoj strani se nalazi originalni otisak pečata u kome se ne navodi broj strana za koji je izvršena ovjera, što je u suprotnosti sa odredbama tačke 13.1.3. tenderske dokumentacije.
- da je ponuda ponuđača „**ZIRAATBANK BH DD**“, SARAJEVO u skladu sa tačkom 14. stavovi (1) i (3). tenderske dokumentacije i članom 68. stav (1) Zakona o javnim nabavkama odbačena. Isti u obrascu za ponudu nije naveo datum važenja ponude, Izjavu za član 47. je dostavio na nepropisanom obrascu i priložio je fotokopiju generalne punomoći koja nije ovjerena od strane nadležnog organa, a što nije u skladu sa odredbama tenderske dokumentacije.

Dana 16.06.2017. godine za kvalifikovane ponuđače održana je e-aukcija sa početkom u 10:00 sati, tokom koje jedan od ponuđača nije mogao podnijeti ponudu iz tehničkih problema u aplikaciji, zbog čega je Agencija za javne nabavke ponovno zakazala e-aukciju za 28.06.2017. godine u 10,00 sati. Iz izvještaja o završetku i toku e-aukcije utvrđeno je da su dva ponuđača prvorangirana tj. NOVA BANKA AD Banja Luka i UniCredit bank d.d. Mostar.

Uzimajući u obzir navedeno, odnosno činjenicu da su dvije ponude prvorangirane tj. da imaju identične cijene nije moguće dati prednost ni jednoj ponudi, obzirom da je kriterij za dodjelu ugovora najniža cijena. Zbog navedenog ne postoji mogućnost dodjele ugovora, te je primjenom člana 69. stav (3) Zakona o javnim nabavkama odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Dostaviti:

1. NOVA BANKA AD Banja Luka ,
2. RAIFFEISEN BANK DD BiH, Sarajevo,
3. ZIRAATBANK BH DD Sarajevo i
4. UniCredit Bank dd Mostar
5. Evidenciji i
6. Arhivi.-



OPĆINSKI NAČELNIK

Dr. Sci. Edin Delić

